



Scalems ella plaunca ein d'avantatg pil bein prosperar la plontinas.

Engaschi egl uaul da muntogna

Las davosas duas jamnas han 25 dunnas ed umens luvrau voluntariamein egl uaul da muntogna a Mustér. Igl engaschament ei vegnius arranschaus dil Project uaul da muntogna. En collaboraziun cugl uffeci forestal communal ei vegniu prestau differents lavurs ella Val Clavianev. En lur engaschament ein ils voluntaris seconcentrai en special silla construcziun da scalems ellas plauncas. Sin quels ei vegniu mess plontinas da pégn. Grazia als scalems ein quellas plontinas allura meins exponidas alla presiun dalla neiv e san prosperar meglier. La lavur ei succedida sut la survigilonza d'in meinaproject e meinagrappas. Sco quei ch'il Project uaul da muntogna puntuescha en ina comunicaziun als mieds da massa, ein igl uaul da muntogna e la cuntrada cultivada elements che segnan la cuntrada dalla Svizra. Senza quels fuss la biodiversitad meins gronda e vitgs e vias fussen exponi als prighels dalla natira. In uaul da protecziun saun e variont augmenta la schanza ch'igl uaul seigi structuraus bein e semtgau era per las cundiziuns climaticas futuras. Ils voluntaris dil Project uaul da muntogna contribueschan aschia ad in uaul da muntogna persistent. (cdm/fmr)



25 voluntaris ein s'engaschai egl uaul da muntogna dalla Val Clavianev a Mustér.

FOTOS MAD